



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CXXVIII. Ioannis Papae VIII. Ad Berengarivm Comitem. Eiusdem
fere argumenti.

urn:nbn:de:hbz:466:1-15967

allocuti sumus omnes, id est utrosque Ludouicos, Carolum, & Carolum, acceptoque communi consilio, ut Bos gloriosus princeps comes esset itineris nostri, donec, Christo opem ferente, reuerteremur ad Vrbem. Et quia de statu sanctæ ecclesiæ sunt quæ communiter tractare debemus, tuæ sanctitati apostolica auctoritate mandamus cum cunctis suffraganeis tuis & coepiscopis nobis Papiam secunda die post festum sancti Andreae, occurrere. Et quoniam probata fides omnium prædecessorum tuorum semper fuit erga Romanum pontificem, tua fraternitas omnimodis studeat eorum in omnibus assequi vestigia, quia, quod absit, si aliter fuerit, vigor canonicus super inobedientes remanere non poterit. Data ut supra.

EPISTOLA CXXVIII.

IOANNIS PAPÆ VIII.

AD BERENGARIVM COMITEM.

Eiusdem fere argumenti.

Dilecto filio Berengario glorioso comiti, seu omnibus optimatibus Longobardorum regni sanctæ Dei ecclesiæ fidelibus.

QVANTA & qualia Romana ecclesia, vestra videlicet mater, haec tenus ab impiissimis Christianis passa est, & nostris literis significantibus, & rumore populi narrante iam audistis, & ut certius sciatis, iterum significamus. Ecce enim pro quibus & pro omnium vestrum salute animæ nostræ non parcentes, iam quia per terram pro prædictis persecutoribus ad vos viciniores, ut res expertierat, venire nequiuimus, marinum iter accepimus, & in Franciam ibimus, quærentes tranquillitatem, atque auxilium, ubi nostri antecessores quæsiere pontifices. Misimus enim omnibus regibus, id est Hludouico domni Caroli imperatoris filio, & Carolomanno, & Ludouico, & Carolo Ludouici regis filiis, ut cum suis episcopis ad nos venirent, & vna nobiscum super his tractarent, ex quibus venit Hludouicus rex, & tantis malis perdolens, nisi infirmus esset, nobiscum veniret. Iam quia pro infirmitate non potuit, dedit nobis hunc Bosonem principem sibi ex omni parte coniunctum, qui me per inimicos sanctæ Dei ecclesiæ sal-

uum duceret. Ecce enim, auxiliante Deo, Papiam venimus: quapropter monentes mittimus & apostolica auctoritate hortantes iam tertio mandamus, ut præfessionaliter ad nos carissimi, tamquam ad patrem venire debeat, & ut alii veniant, alter alterum incitet, & has literas primo legens remittere aliis procuret: quatenus venientes vna nobiscum de statu sanctorum Dei ecclesiarum & quiete reipublicæ & nostra vestraque omnium salute Synodum celebrantes, tractemus; in quibus dilectissimi filii, ne vestra caritas tepeat, neve religiositas inobediat, sed compatitur, ut oportet, ac doleat: quia scriptum est, qualiter tepidus sit iure vomendus, & qualiter per inobedientiam culpa, quæ non fuit, fit, & qualiter qui non compatitur, decreto pontificali feritur. Data ut supra.

Apoc. 5.

EPISTOLA CXXIX.

IOANNIS PAPÆ VIII.

AD LUDOVICVM REGEM.

Miratur, quod filiabus Bosonis, pro quibus alias rogaue-
rat, hereditatem iure debitam non restituerit;
iterumque monet, ut ipsam hereditatem
integrā eis restituat.

Hludouico regi glorioſo glorioſi quondam regis Ludouici filio.

Psal. 98. Psal. 10. **I**AM enim magnitudinem vestram fili carissime apostolicis monuimus literis, hortantes pro filiabus Bosonis dum comitis & Ingeltrudis coniugis, quibus iure hereditas deferri omnium legum auctoritate conceditur, proprietates reddere studeretis. Sed, ut cernimus, inauditi remansimus: quod miramur, & mirantes dolemus, cum vestra proles apostolicis censuris semper obediatur, & præ omnibus regibus iudicium faciat. Ut rex Dauid cecinit, *honor regis iudicium diligit*. Nonne legitis: *Quoniam iustus Dominus iustitiam diligit, & æquitatem videt vultus eius?* Ceterum reclamationem filiarum iam dicti Bosonis audiuiimus, ut ipsas, ipsius, matrisque earum proprietates, Ingeltrudis, alias vos teneatis, alias vero vestris tenere quibus ipsa post iudicium sibi illatum sine viri consensu dederit, tenere permittatis, quod nefas est, & contra omnium legum prorsus auctoritatem. *Quid enim vxor sine viri consensu agere potest?*